

PULESTON, Syr JOHN HENRY (1829 - 1908), bancer ac aelod seneddol

Enw: John Henry Puleston

Dyddiad geni: 1829

Dyddiad marw: 1908

Rhiant: John Puleston

Rhyw: Gwryw

Galwedigaeth: bancer ac aelod seneddol

Maes gweithgaredd: Economeg ac Arian; Gwleidyddiaeth a Mudiadau Gwleidyddol

Awdur: Emyr Gwynne Jones

Ganwyd 2 Mehefin 1829 ym Mhlas Newydd, Llanfair Dyffryn Clwyd, mab hynaf John Puleston, disgynnydd o [Bulestoniaid](#) Emral. Addysgwyd ef yn ysgol ramadeg Rhuthyn a Choleg y Brenin, Llundain. Bu yn yr Unol Daleithiau am gyfnod a daeth yn hysbys yno rhwng 1856 a 1860 fel golygydd dau newyddiadur, ac wedi hynny fel bancer cyfrifol ac fel cynrol anrhydeddus dan yr arlywydd Wilson yn y Rhyfel Cartref. Wedi dychwelyd i Loegr bu'n aelod seneddol tros Devonport, 1874-92; ymgeisiodd yn erbyn [David Lloyd George](#) yn etholiad Sir Gaernarfon, 1892, ond ni lwyddodd i ennill y sedd. Gwnaed ef yn farchog yn 1887, a bu'n rhaglaw dinas Llundain a chwnstabl castell Caernarfon. Yr oedd Syr John yn Eglwyswr blaenllaw, yn Geidwadwr cydwybodol, ac yn Gymro cynnes a ymddiddorai ym mhob mudiad cenedlaethol Cymreig. Bu'n is-lywydd Cymmrodorion Llundain, trysorydd Cymdeithas yr eisteddfod Genedlaethol, 1880-1907, a chadeirydd cyntaf pwyllgor Clwb Cymreig Llundain. Bu farw 19 Hydref 1908. Yr oedd ei chwaer, Mary Ann Puleston ('Mair Clwyd') yn fam i'r [Parch. John Puleston Jones](#).

Awdur

Emyr Gwynne Jones, (1911 - 1972)

Ffynonellau

R. W. Jones, *Y Parchedig John Puleston Jones M.A., D.D.* (Caernarfon 1929), 14-5

Bye-Gones, relating to Wales and the Border Counties, 21 Hydref 1908

Y Brython, 22 a 29 Hydref 1908

Y Cymmrodor, 1951, 181-2

Darllen Pellach

Archifau LIGC: [Etholiad Bwrdeisdrefi Arfon: Hanes Seneddol Mr. Lloyd George a Syr John Puleston](#)

Dolenni Ychwanegol

VIAF: [61176546](#)

Wikidata: [Q6238920](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

